

عدد: ۳۸ - ۸۶ (ایکینجی سنه) ۲۳ : رجب ۱۳۱۸ جمعه ۳ : تشرین ثانی ۱۳۱۶ - ۱۶ تشرین ثانی ۱۹۰۰ (ایکینجی جلد)

ادبیات . فنون عسکریه و بحریه .
و تارخ و تجارت و زراعت و صنایع
و معارف و امور نافعہ و اکنجیہ لی فقراندن
باحث مصور جریده در . هر نوع خصوصیات
ایچون غزله نیک مدیری طاهر بکه مراجعت اولنور

Bureaux: 40, rue de la Sublime-Porte,
(Imprimerie Tahir bey) Stamboul.



(ارتقا) نیک استانبول و طشره
ایچون بر سنه نیک آبوله سی ۳۲
غروشددر . پوسته بولی مقبولدر .
فحالی بالجله ارباب قلمه آچیقدر . هر الی قلم
طوتان یازه ییلیر . مرکز باب عالی
جاده سنده «معلومات» اداره خانه سیدره

Journal illustré IRTIKA

شم دیک جمعه کونلری نشر اولنور

استانبولده نسخه سی : ۱۰ پاره یه در

طشره ده نسخه سی : ۲۰ پاره یه در

تباتانک بونه واصل اوله حق یوکسکلکده ایپ اوزادلشد. قازیق آلتی واسطه سیله دلیکر آچیلور. نباتانک کوکری او دلیکرک ایچنه وضع اولنور. بعده طوبراق ایله طو- لدریلور. دها صکره صیواریلور. نشوونما بولمیری امتداد ایدن وابتدای نشوونماده محافظه یه محتاج اولان نباتانک یرلرینی دکشد- یرمک عملیاتی صاقسیلر ایچنده و طوبراق قابل دروننده دخی اجرا اولنور.

سابق اورمان ومعادن اداره عمومیه باشکابی

سرکز اورلیان



{ تاریخ عمومی تربیه اطفال }

محرری : مسعود رمزی

۹

پارسیلر

(۵۸ نجی نسخه مزدن مابعد)

شوزمانده تربیه عمومیته نک تظاهراتی اوزرنده « محیط » دنیلن میانه طبیعتک حاصل ایتدیکی تاثیرات انقلابیه غیرقابل انکاردر. محیط، وراثت ایله، یالکز تربیه اوزرنده دکل افراد اجتماعیه نک کافه اوصاف وفضائل ملیه سی اوزرنده دخی تدقیقه محتاج آثار غریبه حاصل ایدر؛ بوکبی شرائط طبیعه و غیر اختیاریه نک نفوذینی عریض و عمیق تحری ایتک موضوعمک خارجنده در، وقتک برمساعده سنده بونلره دائر آیروجه برقاچ مقاله یازمق لازمه دندر.

پارسیستانده، قدیم ایرانده حکومت، تربیه خصوصنده برواسطه اجرائیه وبر مؤثر ایدی.

صور مختلفه آدابی ذکر ایچون فارسیلرک ومدیالیلرک داب واعتقادلرینه برعطف نظر ایدلم.

پارسیلرک باشلیجه واضع قانون دیانتکا- رییسی، تعلیماتی «زند — آوهستا» نامیله بر مجله قدیمه سنده تعداد ایدن «زردشت» اسمنده بر حکیم ایدی.

زردشت، قبل المیلاد یکرمی بشنجی عصرده بر حیات ایدی: روایتی نظرأ مدیاده «راژه» بلده سنده تولد ایتشدر؛ یکرمی سنه قدر بر مدت عالم تجروده یاشادقندن صوکره — بوزمانلر منحصراً سوت وپنیر ایله تغدی ایدرمش — ازلی وابدی برعلویتک، زروان Zervan نام ذات قدسی صفاتک اولجه تکوین ایتدیکی (هرمز واهرمین) الهلرینک یدندن قانون کتسانی، آوهستانی اخذ ایلدی. [۱]

[۱] آوهستا: بعض فرهنگلرک تعبیرنجه حضرت ابراهیم علیه السلامه نازل اولان صحفکله هیت مجموعه سیدر.

« مزیک Mazdeïune » دنیلن مذهب جدیدی تأسیس ایچون بادیهی ترک ایتدی. مقدمات برچوق مانع لره هدف اولدی: باقت (بلخ) ده، حکمدار هشتاسبک سراینده، اوتوزی صاغ و اوتوزی صول طرفنده اوتوروب کندیسنه کفر وفسونکارلق ایله اتهامه یلتن آلتش حکمای مغلوب ایتدی. مذهب جدید، بونلره رغماً کسب قوت ایدرک زر دشت هشتاسی، حوزه حکومتی، ملل مجاوره یی طریق موضوعه سوق ایتدی، لکن کندیسده ینه خلافکیران ایله وقوعه کلن بر محاربه ده تلف اولدی. تأسیس ایتدیکی دین قدیمک حالا سالکری واردر: کبر وپارسار. «آوهستا» ویا «اصلاحات» نام کتابک قسم اعظمی محو اولوب کبرلرک الله بوکون «واندیباده» ویا «قانون خلاف شیاطین» دن باشقه رساله قالمشدر. کذلک بعض آوهستا پارچه لری، مناسک روحانیه، ادعیه ورسوم دینه مباحثی باقیدر.

هرمز (آهورا — مازدا) کافه موجوداتک فوقه اعلا ایدلمش، امور خیریه وحسنه نک منبعی، حاکم جهان، قادرکل عد ایدیلیر ایدی: کندیسکی ضیا، کونش، آتش تمثاللریله کوستریلوردی.

اهرمین (آغرا — مهنوس) بدایتاً نیک وخوب اوصافی حائر ایدیسده بالاخره سائقه حقد و غبطه ایله عالمک باشنه برشریر بی نظیر کسپلمش، هرmerk تولید ایتمکده اولدینی حسنائی اخلاص ایتمکده ایدی. ایلک یارادیلان آدمک — که آنلرک فکرنجه «فر- یدون» در — ذله سنی متعاقب روی ارضه نماتی دعوت ایدن، زردشتیلرک فکرنجه، اهرمندر.

ایشته بوایکی معبود متضادک منازعه سندن دنیاده فیض وشرت حکمران اولوردی. بعد- الوفات روح، هرمز طرفندن ضبط ایدیلیر واعمال و آثارینه کوره «یزد» ویا «ملک» گروهی طرفندن «جنود: جنبد» دنیلن جسرکیرک، صراط عظیمک اوزته سنده یا برارض سعاده، برزمین میمنت افزایه سوق ایدیلیر، یاخود «دیولر Deves» ویا «ارواح ظلمات: زبانیلر» طرفندن بر مکان هائلده — اوراده کناهلرندن استغفار ایچون — توقیف اولونوردی.

هرمز واهرمین آراسنده کی مناقشات اون ایکی بیک سنه دوام ایتدکن صوکره عاقبتده خیر معبودی مظفر اولاجقدی؛ ایشه اووقت بعثت اموات وقوعه لاجقمش! افاضل و اشرا، مشترکاً تکرار وجودلرینه، بنه لرینه متصرف اولاجقلم؛ لکن اهرمین وتوابی ورطه ظلماته، جهنمه ادخال ایدله- جکدر. بودقیقه ده ارض زلزله یه دوچار اولاجق؛ داغر، آتش سیلابه لری کبی منهد

اولاجق؛ روحا بوا مواج آتشانک اورتاسنده موجودیتندن تجر ایدده جک؛ اهرمین، توابی و دیولر بالذات هر درلو معاصیدن منز و مبراء معصوم اولاجقلم. کره ارض شائبه سز وبله سز قالا جقدر: جهان وجهانیان مظهر حیات جاودانی اولمش بولنه جق؛ هرشی زاهر، ضیادار، حیات لایموتانه یه مالک قالا جق. هرمز بلاحرب و مناقشه یکی کائنات اوزرنده حکمران اولمغه باشلاینجه، اهرمین ایله آرالرنده بر خادنت عظیمه تأسس ایدده جک: تألیف ینه «مهر» اسمنده کی معرفت ربا ملکی توسط ایدیله جکدر.

آیین دینی، بالخاصه قبل الفجر تلاوت ایدیلن دعا لردن وعصر حیات — هرmerk نمایش ظاهریسی — اولان پرستش ناردن، کناهکارلق وشائبه لی زمانلرده امداده یتشوب تنزیه وتبرئه ایدن لایعد برهیزلردن، بایراملردن عبارت ایدی.

وظائف آداب و تربیه خصوصنده زند آوهستا عدالت و صداقتی، استقامتی، رؤسای امور و اطاعت تامه یی بالخاصه حکمدارلره مطاوعی وهرشیدن اقدم چفتجیلک وامر تأهلی توصیه ایدیلوردی. بومندرجات، حقیله تدقیق ایدلکده، جدأ سزای اقتفا برطاقم مباحث عالییه شامل اولدینی تظاهر ایدیلور.

زردشت دیوردی که: «ارض اوزرنده بر سکنا انا ایدوب اوراده آتشی، بهائی، قادینی، چو جق لری وسوریلرینی محافظه ایدن کیمسه متقی، ومعزز بر آدمدر».

«طوبراقده برغدا وجوده کترین، تارالره میوه دیکن، بیک قربان فدا ایتش جهسنه هرmerk قانون و نظامنده بر جای مفخرت قازانیر». بوسوزلریله زردشت زراعتک اهمیتینی، وسعی وغیرتک بوشه کیمیه جکنی افهام ایدیلوردی.

ایرانلیر بعده دها برقاچ مذهبه سالک اولدیلر:

(۱) جمشیدک طبیعت پرستشدن عبارت «آیین جم» مسلکی؛

(۲) زردشت؛

(۳) زندیق؛ — بومسلک وذهاب ساسانیان سلاله سندن شابورک خلفی هرمز زماننده «مانی زندیق» نام شخص طرفندن، مذهب مجوسی خلافتنه ابداع ایدلمش ایدی. لکن بالاخره انتشار ایدده مدی.

(۴) ساسانیانندن شاه قباد دورنده ظهور ایدوب اموال وزوجاتک اشتراکی اعلان ایدرک اخلاقه مغایرتی ایله خلی طرفدار بولان وفقط برچوق سیثاتی موجب اولان بر مذهب (قومونیزم).

ایرانلیر ومدیالیلرک بوا امور اصیله اعتقادیه لری قرائت ایدلکیکی وقت زردشت قواعد کلیه سنک بر قسمی، اوو قتلر مدیابولده

حال اسارتده بولونان یهودیلرک قوانین مذهبییه سی ایله مجاورتده بولندینی تین ایدیور، بوقواعد کلیه مدی — فرس قومنک حیاتی اوزرنده بر تأثیر عظیم اجر ایتدی، بالخصوصک اطفالک طرز تربیه سنه نفوذدن خالی قالمادی. برپارس چو جنی دوغار دوغماز، زند آده ستانک احکامنه تبعاً، تطهیری ضمنتده اوچ دفعه اوکوزبولی — غالباً ازاله تعفن ایچون یایلیردی؛ — وردفعه صوایله بانو ایتدیرلمک مجبور طوتیلیر ایدی. صوکره برمنجم جلب ایدیلرک چو جفک بختی، کوا کک یکدیگری اوزرینه اجرای تأثیر ایتمه سندن متولد حوادث حیاتیه سی، استقبالی تعیین و آکا کوره براسم تخصیص ایدیلیر ایدی. چو جق اوچ یاشنه کیردکن صوکره، پدری مهرا یه بر قربان وقف ایدردی. یدی یاشنه کیرنجه یه قدر چو جق هیچ بر شنه جبر ایدلزدی: یایدینی هر فالتی، قبا یملک کافه سی ابونک حسابنه صایلیردی.

شوقظه لر تبع ایدیلنجه، عقائد موجوده بشریت آراسنده کی رابطه تحیفه نک وجودی تظاهر ایدیور!

بش یاشندن اول بریکلر آکا، کرک این وکرک فنا برشی تدریسنه جسارت ایده- میورلردی؛ تقیدات جسمانیه لازمه ده بر قباحته دوچار اولدق لری وقت (آرتق بونی یامه!) افاده سی ایله بر نمونه اعتدال کوسترلردی بر چو جنی سکر یاشندن اول، مجازات سائرده غیر متحسناً قالمق ایچون انسان دوکه مزیدی. ابونیه اطاعت مطلقه، چو جفک وظائف موکوله سندن ایدی: اوچ کره اطاعتدن انحراف ایدن بر چو جق شایسته احما ومات ایدی. برشا کرد، خواجه سی کندیسینی روح وفکر جهتدن زیر تربیه آلاق ایلک نخیب بر بار عظیمی بردوش ایتدیکی ایچون آکا ابونشدن دها زیاده احترامه مجبور ایدی پارسیلرک بر کتابندن استخراج ایدیلن آتیده کی دعا یه نظرأ، استادک پدره اولان بور مجانی مع هذا عمومیت اعتباریله طانماشدی:

«ای مهر! ۳۰ روابط ایله فاضلر، ۶۰ ایله ارکک وقادین، ۷۰ ایله شا کرد واستاد، ۱۰۰ ایله برادرلر، ۱۰۰۰ ایله پدر وفرزند، و ۱۰۰۰۰ ایله ملک وحکمدر پیوسته اولدینی امر ایدیلور».

بورایه قدر سرد ایدیلن مطالعات، مستبان اولیورکه نسیق روحانیه پارسیلرک آداب عمومیه سنده بر نفوذ غالبانه یی حائر در. بو کیفیت رهایین، بالخاصه مدیالیلر میاننده مرعی اولابیلیر. مع مافیه زردشتک وضع ایتدیکن دیانت، بوندن دولایی عمر اجتماعی ومعیشت مدنییه یکی بر مؤثر فیرلاشمش ایدی:

[مابعدی وار]

مدیر مسئول : محمد طاهر

مدوح